



題丁鶴年集呈



菟圃政



西域詩人集傳於至正年諸兄咸附錄高  
弟各分編時下哀思淚亦隨方外緣須知  
海巢序只說武昌前

得年字禁押本事

時嘉慶己未四月

顧廣圻稿

元代詩名盛涵濡近百年用戴序語流風傳

絕域吟藁見遺編鶴年集以此為最善廬墓全親

孝居山謝世緣石田鴈門集美不

擅於前叔能以伯庸天錫輩為比今余藏元人諸集如元刻之馬石田舊鈔之薩

鴈門皆稱善本得此可云濟美故以為擬次澗蕘韻

題元本丁鶴年集 蕘圃黃丕烈草

明代重刊本云題正統年名因文苑

重傳入史臣編一送真空選用蕘圃跋語

三長合有緣三長謂石田雁門集及此書如蕘圃有後翰墨緣圖三章一緣字本以

後來空居上秘笈勝於前蕘圃云舊有本茲法及久矣嘗取

此子校知不以遠甚次

澗蕘韻題

蕘圃新刻元刻丁鶴年集 久矣草

右三益聯吟冊中題元本丁鶴年詩也此集為澗濱歲試玉峯時所收而後以歸余者故仿校宋本建康寶錄例澗濱為首唱而余次之方米最後者因余兩人唱和時方米挈徒小試玉峯歸後繼和故也限年字而禁用本事者亦冊中例也此書破損不堪觸手重付裝池并錄三詩于卷首以見題書紀事一時賓主之歡有如是也蕘圃跋

鶴年先生詩集序



昔者成周之興肇自西北西北之詩見之於國風者僅自豳秦而止豳秦之外王化之所不及民俗之所不通固不得繫之列國矣我

元受命亦由西北而興西北諸國若回回吐蕃康里畏吾兒也里可溫唐兀之屬徃徃率先臣順奉職稱藩其沐浴休光霑被

寵澤與京國內臣無少異積之既久文軌日同而子若孫遂皆舍弓馬而事詩書至其以詩名世則貫公雲石馬公伯庸薩公天錫余公廷心其人也論者以馬公之詩似商隱貫公薩公之詩似長吉而余公之詩則與陰鏗何遜齊驅而並駕他如高公彥敬獲公子山達公兼善雅公正卿聶公古柏幹公克莊魯公至道三公廷圭輩亦

皆清新俊拔成一家言此數公者皆居西北之遠國其去幽秦蓋不知其幾千萬里而其為詩乃有中國古作者之遺風亦足以見我

朝王化之大行民俗之丕變雖成周之盛莫及也鶴年亦西北人其視數公差後起家世以勲業著而鶴年兄弟俱業儒伯氏之登進士第者三人鶴年乃泊然無意於

仕進遭時兵亂逃隱海上邈不與世接凡  
幽憂憤悶悲哀痛苦之情一於詩焉發之  
觀其古體歌行諸作要皆清麗可喜而注  
意之深用工之至尤在於五七言律但一  
篇之作一語之出皆所以寓夫憂國愛  
君之心愍亂思治之意讀之使人感憤激  
烈不知涕泗之橫流也蓋其措辭命意多  
出杜子美而音節格調則又兼得我

朝諸閣老之所長故其入人之深感人之  
妙有非它詩人之所可及嗚呼若鶴年者  
豈向數公之流亞歟然數公之在當時皆  
達而在上者也世之士子孰不膾炙其言  
辭鶴年遭夫氣運之適衰方獨退處遐陬  
而為所謂窮者之詩以自慰其能知夫注  
意之深用工之至者幾何人哉知與不知  
在鶴年未足輕重第以

祖宗涵煦百年之久致使遐方絕域之詩  
俱得繫之

天子之國而鶴年之所以著明王化民俗  
之盛以與數公並傳於斯世者將遂泯無  
聞矣不亦重可悲夫故取其吟藁若干卷  
序而傳之以俟世之知鶴年者相與諷詠  
焉耳鶴年之清節峻行已別有傳茲不著  
至正甲午秋九靈山人金華戴良序

太學生戴習錄其師鶴年先生  
詩曰海巢集者請題其後崔年  
予友也其詩忠義慷慨有騷雅之  
遺意焉昔唐之僧有讀其友盧  
仝之詩者曰鯨吞海水盡露出  
珊瑚枝海神知貴不知價留與

人間光照夜吾讀海巢集亦云  
生其寶之生其寶之虎丘澹居  
老人至仁書



鶴年海巢集卷第一

海濱避兵時所作

五言古詩

採蓮曲

採蓮復採蓮仍唱採蓮曲若欲知苦心須食蓮中肉  
採蓮復採蓮踟躕一何久不愁花妒容維恐刺傷手  
採蓮復採蓮藕亦不可棄中有不斷絲似妾纏綿意  
採蓮復採蓮爭如採荷好花謝葉獨存團圓以終老  
採蓮復採蓮湖水清且深徒能照妾面不能照妾心  
採蓮復採蓮下有孤鶯鶯秋花不結實夜夜守空房

門人四明戴稷編次



又

蓮開花覆水蓮謝藕在泥不學青萍葉隨波東復西  
朝採並蒂蓮暮縮同心結不學綠楊枝含顰送離別

又

蓮舟何處來同聚南湖口郎憐波上花妾愛泥中藕  
藕有清白節花有艷冶容郎心異妾心三歎掩歸蓬

長嘯篇

惟遠度可量惟暗燭可照丈夫窮達際安可以逆料區  
區井觀天擾擾管窺豹衆論徒沸騰誰能領其要韓信  
出跨下市井皆哄咲范睢置廁中醉客更相溺一朝佐

秦漢將相無同調聲名六合馳事業九天耀平生怨與  
恩歷歷加顯報以馬飼故人以尉乞惡少是非姑置之  
獨立發長嘯

挽倪仲權處士

維鄞有高士乃居城北門伯叔列茅土弟昆羅搢紳先  
生視富貴蔑若行空雲蕭然坐一室詩書日討論忠信  
化閭里孝友敦親姻用茲以及及世人亡道彌尊我昔客  
東海託交見天真瑩瑩金石義藹藹骨肉恩豈意隔生  
死相思勞夢寤尚憐靈鳳毛符彩備五珎每過話疇昔  
相對淚沾巾我悲匪兒女所感在斯文

悼亡

別時如玉人歸來死生隔日暮泣孤墳音容杳難得惟  
餘墳上草猶帶羅裙色

湖上曲二首

鴛鴦湖中飛還向湖中落不比薄情人天涯并海角  
汀鷺映湖波清白兩無愧立盡風雨寒頗為口腹累

七言古詩

送月侍郎定江制賦稅還大都代杭城父老作

戈甲三邊靜車書四海同時平尚文治策士明光宮龍  
沙公子清且美玉立芙蓉照秋水前席才名賈誼賢出  
關氣槩終軍偉恭捧帝符臨下方卿雲五色分天章  
星軺小駐武林驛炎海六月生清涼宣朝廷德意問  
閭閻疾苦遊民亦占籍編戶悉按堵力役均平賦斂輕  
去者謳歌來鼓舞觀風采謠乃使之職任賢使能惟  
帝之德目擊盛事豈容緘默乃歌曰生逢舜日當堯天  
經營內外皆英賢八十衰翁百無補茅簷擊壤歌豐年

題餘姚葉敬常州判海堤卷補先兄太守遺缺  
陰霓夜吼風雨急坤維震蕩玄溟立桑田變海人為魚  
葉侯訴天天爲泣侯奉天罰誅妖霓下平水土安羣黎  
嶙峋老骨不肯朽化作姚江捍海堤海堤蜿蜒如削壁  
橫截狂瀾三萬尺堤內耕桑堤外漁民物欣欣始生息  
潮頭月落啼早鴉柴門半啓臨漚沙柳根白舫賣魚市  
花底青帘沽酒家花柳村村各按堵世變侯仙脩成古  
侯雖已矣遺愛存時聽叢祠咽簫鼓人生何必九鼎榮  
廟食貴有千載名君不聞一杯河水決瓠子沉馬親勤  
漢皇祀又不聞一帶江波泛蜀都刻犀廠勝秦人愚江

平河塞世猶駭何況堂堂障滄海論功不啻濟川才砥  
柱東南千萬載嗚呼只今四海俱橫流平地風波沉九  
州蒼生引領望援溺州縣有官非葉侯州縣有官非葉  
侯禦災誰復憂民憂

贈戴原正

戴生眼如電讀書夜忘眠清晨盥櫛罷起居慈母前母  
身康寧子心喜讀書還向書帷裏綴文調膳秋復春鳳  
凰符彩騶虞仁天心一回四海平治明堂掄材清廟需  
器棟梁瑚璉寧汝棄

離鸞篇為四明張孟善祖母祝節婦賦

孤鳳病且死聘鸞以為偶引頸鳴鳴託其後鸞對以臆  
肯以首惡鳥啄其雛飄風撼其巢伏育補茸鸞不辭勞  
雛日以長能反哺巢日以廣多牖戶天錫壽考既和且  
平每一對鏡猶復悲鳴始終德義俱無愧乃知鸞鳳所  
以為世瑞

胡節婦詩

一自失良人年年不見春常時折花處青苔滿行路即  
今垂老百事非篋中惟有嫁時衣姑終養子成立望夫  
差勝山頭石

樂節婦詩

荼蓼未為苦薑桂未為辛累七辛苦者無若未亡人欲  
隨世苟活生則同室死同櫛欲殉夫並殂阿婆方老兒  
方孤朝養姑暮教子泉下良人猶不死

五言律詩

送四兄往杭後寄

臨別強言笑，獨歸情轉哀。  
離魂悽欲斷，孤抱鬱難開。  
太守堤邊柳，徵君宅畔梅。  
過逢如見憶，煩寄一枝來。

逃禪室卧病柬諸禪侶

高秋多病客，古寺寄黃昏。  
野迥常疑虎，天寒早閉門。  
離愁燈下影，鄉淚枕邊痕。  
賴有諸禪侶，情親似弟昆。

汨汨

汨汨在塵埃，羈懷不暫開。  
病將顏玉去，愁送鬢絲來。  
招隱慙高蹈，扶顛乏大才。  
行藏成兩失，回首有餘哀。

次烏繼善先生見寄韻

扶杖日行吟悠然太古心風雲遺壯氣山水效清音大雅消沉久斯文感慨深幸瞻喬梓在奕葉盡成陰

挽柴吏目

奕世蓮花幕人稱漢吏師都緣參贊重頗覺轉遷遲雅論非三語清聲是四知猶餘前案牘長作後箴規

挽定海章處士

處士晚年好道

流年驚逝水世事逐飄風卜築隣蓬島移家類葛洪丹還金鼎伏劍解玉棺空惟有松壇月通宵貫彩虹

挽脩竹處士

種竹人何在鄉隣久未忘冰霜餘節操雲錦見文章散帙依朝爽移樽坐夕涼兒孫皆玉立尤足繼遺芳

五言排律

太守兄階下新竹數竿秀色鬱然可愛索予賦詩  
敬製長律一十八韻

楚楚新移竹脩脩已出林渭川元接葉淇水本聯陰既  
忝軒墀重應蒙雨露深芝蘭方並植荆棘敢相侵有荷  
栽培力無慙變化心長身龍夭矯密羽翠蕭森委砌風  
飄錦節庭日布金竒林仲連箭雅韻伯牙琴欸乃歌頻  
度平安問每臨風雲今自飽冰雪舊能任豈獨松梅友  
仍多草木欽琅玕擊使節玳瑁合朋簪直可扶衰老貞  
堪載古今釣鼈期大用引鳳壓群音詞客題詩到幽人

載酒尋煙旌朝丹丹月盡  
蘇夜沉沉展席臨秋水  
鉤簾對夕岑清風驅酷暑  
一為豁煩襟

七言律詩

寄胡敬文縣尹胡遂初真人海上漕舟北還得應  
奉兄家書云湖廣親舊兵後僅餘二公感而賦詩  
以寄

湖壯衣冠藹士林十年兵革盡消沉  
崑岡火後餘雙璧錦里書回抵萬金  
鳧鳥趨朝天關近霓裳度曲月宮深  
誰知海上垂綸者去國長懸萬里心

奉寄表兄白留守兼呈楊廉使

白髮先朝舊從臣懸車徧省五湖春  
養恬高節矜持重優老濃恩奉拜頰  
每有緇黃談幻化可無朱紫問經綸



座中不遇楊開府肯把平生對客陳

送進士都堅不花出宰三山

龍沙公子龍頭客錦繡胸襟玉雪顏一日蜚英驚四海  
九天承寵宰三山花前封印青春醉槐下鳴琴白晝閑  
守令近民勤

聖念早須報政五雲間

觀太守兄昌國勸農

東臯風日媚新晴太守躬耕曉出城  
裊裊雙旌穿柳過蕭蕭五馬踏花行  
扶藜父老陪諮訪騎竹兒童主送迎  
豈意兵荒南北遍化行滄海獨昇平

頌曆

腐儒避地海東偏鳳曆頒春下九天  
載拜帝堯新正朔永懷神禹舊山川  
廟堂久託君臣契藩閫兼操將相權  
只在忠良勤翊戴萬方行覩至元年

勉戴玄學

才名籍甚冠時髦愛爾青年氣獨豪  
千里共誇騏驥足九苞爭覩鳳凰毛  
月中把桂雲生履天上省花日映袍  
宦達每由稽古力夜窳燈火莫辭勞

贈陳章甫

少年仗劍遊京國豪氣崢嶸歷五陵  
柳綠御溝春飲馬

草黃上苑曉呼鷹日邊冠蓋人人識雪後舟航處處乘  
白首歸來尋舊隱高談驚座羨君能

寄西湖林一貞先生

錦繡湖山世絕稀東風不放賞心違芙蓉楊柳臨清淺  
佛刹仙宮繞翠微畫舫載春天上坐紫騮馱醉月中歸  
高情獨有林和靖門掩晴空省鶴飛

鄞江館送潘允章歸天台定省

從師久客鄞江館重憶庭闈問起居五彩早成萊子服  
一經今授伏生書落花芳草春停騎斜日孤雲暮倚閭  
暫爾南歸仍北上萬言敷奏玉階除

次韻奉荅張撫軍二首

先公昔鎮西南日幾拜殊恩出御筵桃李門墻賓客盛  
芝蘭庭砌子孫賢百年遺愛齊民服一代鴻勳信史編  
最是撫軍能接武挑燈夜讀十三篇

堂堂雄略靖三邊疊疊清談動四筵夜月轅門嚴士卒  
春風幕府集才賢詩宗李杜元無敵書法孫吳每自編  
白首栖栖江海客遠煩馳寄錦雲篇

寄張廷言

千里關河阻重兵兩煩書札見深情故人我久知張祿  
處士時多忌欄衡閱世正當思豹變出關何必待雞鳴

莫嗟才大難為用天運行將返治平

送人歸故園

故園聞道已休兵客裏那堪送客行老去別懷殊作惡  
亂餘歸計倍關情孤村月落群鷄叫絕塞天清一鴈橫  
到日所親如見問浪遊江海負平生

次韻奉答東軒居士

珠玉新詩照士林長城寧畏短兵侵春雲有態時變  
秋水無痕岸深洛下才名推獨步越中山水喜重臨  
別來歲晚偏相憶誰折梅花慰渴心

丙午十一月二十四日夜夢回書事

抱病經時不出門存亡一一念諸昆兵戈隨處斷消息  
風雨終宵勞夢魂竹下題詩雲起硯花前度曲月當樽  
每因舊事增新感獨對寒燈拭淚痕

海巢

海上巢居海若降三山眼底小如缸已攀若木為華表  
更立榑桑作翠幢蛟室夜光晴燭戶蜃樓秋影冷涵窓  
鷓鴣夢斷無因到唯有同棲鶴一雙

太守兄見遺紙帳仍贈以詩次韻奉謝

湘娥剪水霜刀勻虛室生白無纖氛壺中但覺風雨隔  
殼裏豈知天地分蟾光夜明楮葉露蝶夢春遠梨花雲

恍然置我銀色界縱有瓊瑤難報君

鶴年弟盡棄純綺故習清心學道特遺楮帳資其  
澹泊之好仍侑以詩

誰搗霜藤萬杵勻製成鶴帳隔塵氛香生蘆絮秋將  
老夢熟梅花夜未分枕上不迷巫峽雨床頭長對剡  
溪雲竹爐松火茶煙暖一段清貞盡屬君

渡鄞江後寄陸時敏陳可立

小艇橫江捷似飛故人凝睇送將歸過山殘照明紗帽  
渡水浮雲亂葦衣沙鳥渚禽同泛泛岸花汀草各依依  
風塵來往慚經濟擬著漁蓑坐釣磯

五言絕句

題畫梅二首

松筠淹雨雪桃李逐風塵不有梅花樹誰回天地春  
鐵石挺孤杓冰霜抱貞素一咲桃李空嗟哉歲云暮

將歸武昌題長江萬里圖二首

長江千萬里何處是儂鄉忽見晴川樹依稀認漢陽  
長嘯還江國遲回別海鄉春潮如有意相送過潯陽

七言絕句

讀鄭家規

每病漢民歌布粟  
忍聞秦俗德糧鋤  
鄭家九葉猶同爨  
風化今知古不如

題梅花扇面寄五十僉憲

憶向西湖踏早春  
萬花如玉月如銀  
一枝照影臨清淺  
滿面冰霜似故人

題族兄馬子英進士梅花

池館春深看牡丹  
五陵車馬隘長安  
誰知凜凜冰霜際  
却是梅花守歲寒

題族兄馬子英進士竹石嘉樹圖

翠實可充丹鳳食喬枝仍待早鷺遷一拳蒼蘚荒秋雨  
惆悵無人解補天

題表兄賽景初院中新竹

景初故咸陽王  
賽典赤孫也

雙玉亭亭出粉牆便添風月入吟觴會者直上三千尺  
截簡先書異姓王

贈表兄賽景初

蕭條門巷舊王孫旋寫黃庭換綠樽富貴倘來還自去  
只留清氣在乾坤

雨窓宴坐與表兄論作詩寫字之法

南窓薄暮雨如絲茗盞薰爐共論詩天趣悠然人意表  
忘言相對坐多時

蠅頭小楷寫烏絲字字鍾王盡可師忽悟庖犧初畫象  
工夫元不在臨池

題顧仲贄先生南山遺藁後

玄豹無心守九關日隨霧雨隱南山莫嗟遺藁同羊犬  
猶託文章見一班

題林泉野趣圖

清江白石帶疎林樊口幽居尚可尋夢裏草堂無恙在  
秋風春雨總關心

卷端五言古詩採蓮曲第三首已下缺文久  
無從補迄今辛巳時越二十三年矣始見沈  
寶硯徵君手錄殘本依樣補之昔日義門  
何學士補宋刻後印本許丁卯集得毛  
豹孫影寫本足之謂非不知妄作茲余  
之補丁集而得沈寫本不猶守此至我邪  
喜而書此道光紀元秋九月望日復見心

翁坐兩縣橋之學耕堂燒燭識

鶴年哀思集卷第二

海濱避兵時所作

門人四明戴習編次

五言古詩

歲晏百憂集二首

歲晏百憂集獨坐彈鳴琴琴聲久不諧何以怡我心拂  
衣出門去荆棘當道深還歸茅屋底抱膝梁父吟

歲晏百憂集擊筑發商歌商歌未終調淚下如縣河故  
鄉渺何許北斗南嵯峨有家不可歸無家將柰何

奉懷九靈先生就次其留別舊韻二首

晴霞麗層霄淑景媚清曙冉冉草際煙盈盈花上露幽



禽何處來飛鳴入庭樹不見心所親坐待停雲度  
攀桂月扶踈撫松雲陸離豈無淡蕩懷亦有幽貞期何  
緣對清景孤坐度芳時故人不可見新交非所知

秋蕖

淶水出紅蕖清麗世無比旭日照新粧盈盈明鏡裏亦  
有後時者悽然抱孤藥欲開風露寒寂寂含香死

七言古詩

黃鶴樓

半空金碧何代樓仙人鶴駕曾一遊雕檻省雲楚山曉  
珠簾捲月湘江秋樓前雲月長無恙禰賦崔詩角清壯  
西風忽動庾公塵仙人仍歸九天上

植樗軒爲天台吳處士賦

徂徠蒼松榦嶧陽孤桐枝矯矯卧龍節娟娟棲鳳姿桐  
中琴瑟松棟梁采之斲之生輝光明堂清朝即登用回  
首故山雲路長鳳凰不來龍亦去樗散當軒承雨露

五言律詩

病衰

病骨秋增痛衰容日減華  
臉霞憐竹葉鬢雪妒菱花  
往事嗟何及歸程望轉賒  
少年歌舞地此日屬誰家

挽唐都事

十年滄海上辛苦贊戎機  
帷幄籌雖在轅門事已非  
黃金從百鍊白璧竟全歸  
生死俱無憾千秋仰德輝

五言排律

逃禪室述懷十六韻

出處兩茫然低徊每自憐  
本無經國術仍乏買山錢  
故邑三千里他鄉二十年  
力微歸計杳身遠客心懸  
桃李誰家樹禾麻傍舍田  
鷄衣秋屢結蝸室歲頻遷  
逝水終難復寒灰更不然  
久要成齟齬多病復沉綿  
俯仰衷情倦棲遲野性便  
延徐誰下榻訪戴獨回船  
耻洒窮途泣閒脩淨土緣  
談玄分上下味道悉中邊  
有相皆虛妄無才幸苟全  
棲雲同白鹿飲露效玄蟬  
高蹈慚真隱狂歌愧昔賢  
惟餘空念在山寺日逃禪

題蕪湖辛順中西圃卷

坐閱桑田變歸為菽水謀聊從西圃隱少慰北堂憂汲  
月滄江曉鋤雲沃野秋新蔬和雨摘碩果帶霜收嘉樹  
巢烏鳥閑庭下白鷗管寧金不顧李路米應求千載誰  
同調東陵有故侯

七言律詩

脫太師

淮海重聞斧鉞臨一時士庶盡傾心雷霆聲播天威遠  
霖雨恩添帝澤深暗室有蠅汙白壁明廷無像鑄黃金  
風塵未息英雄死坐對江山慨古今

靳公子

中朝公子多才俊瀟洒風塵獨靳侯白鴈久無天上信  
黑貂漸弊雪中裘虛堂盡蕙影遲晝別館燈光淡秋  
到手深杯須劇飲醉鄉消得古今愁

故宫人

粉愁香怨不勝情，強整殘粧對老兵。  
別殿金蓮餘故步，後庭玉樹變新聲。  
眼穿鴈字雲連塞，夢斷羊車月滿城。  
天上桃開王母去，世人誰識許飛瓊。

別帽

雲樣飄蕭月樣團，百年雄麗壓南冠。  
黃金綴頂攢文羽，白壁垂纓間木難。  
刺繡尚期平敵壘，簪花曾夢舞仙壇。  
一從吹墮西風裏，誰念蒙塵白髮寒。

元夕

燈火樓臺錦繡筵，誰家簫鼓夜喧闐。  
光移星斗天逾近，影倒山河月正圓。  
金鎖開關明似晝，銅壺傳漏迥如年。

五雲不奏霓裳曲，空使揚州望眼穿。

雪後泛東湖

雪後湖山玉作圍，小舟乘興弄清輝。  
貪看月裏鸞鳥回，不覺風前鷁退飛。  
雲母屏空春閨寂，水晶宮冷晚霏微。  
仙家一咲乾坤老，誰馭瑤池八駿歸。

題鳳浦方氏梧竹軒

鳴鳥曾聞此地過，至今梧竹滿丘阿。  
政懷剪葉書周史，却恨翻枝入楚歌。  
金井月明秋影薄，石壇風細晚涼多。  
中郎去後知音少，共負奇材柰老何。

題戴先生九靈山房圖

九靈別業何年到聊作新圖寄所思幽谷白雲晴窈窕  
高簷翠樹曉參差輞川已入王維畫韋曲仍傳杜甫詩  
只尺相望成萬里卧遊心事許誰知

二靈寺守歲

守歲山房迥絕緣燈光香地共蕭然無人更獻椒花頌  
有客同參栢子禪已悟化城非樂界不知今夕是何年  
憂心悄悄渾忘寐坐待扶桑日麗天

元旦寄朝真宮諸道侶

窮陰殘臘喜全消淑景新正覺倍饒一氣挽春回厚土  
五雲扶日麗層霄媚時久殿銀幡巧卜歲深期玉燭調

最愛群仙持絳節朝真不憚九天遙

暮春感懷二首

杜宇聲聲喚客愁故園何處此登樓落花飛絮成春夢  
剩水殘山異昔遊歌扇多情明月在舞衣無跡綵雲收  
東皇去後韶華盡老圃寒香別有秋

四十無聞懶慢身放情丘壑任天真悠悠往事杯中物  
赫赫時名扇外塵短策看雲松寺晚踈簾聽雨草堂春  
山花水鳥皆知已百遍相過不厭貧

奉寄王宣慰兼呈九靈先生

別館新成足宴遊珊珊環珮總名流獨推南郭為高士

共識東陵是故侯，天上鷲花三月夢。人間風雨五更愁，  
行藏盡付浮雲外。爛醉豐年乘稔秋。

奉寄九靈先生四首

挾海懷山謁紫宸，擬將忠孝報君親。忽從華表聞遼鶴，  
却抱遺經泣魯麟。喪亂行藏心似鐵，蹉跎勲業鬢如銀。  
萬言椽筆今無用，閑向林泉紀逸民。

先生嘗為予作傳

花柳村村接海濱，携家隨處避風塵。衣冠粟里猶存晉，  
雞犬桃源久絕秦。對坐青山渾不厭，忘機白鳥自相親。  
也知出處關時運，豈但逃名效隱淪。

早將長策靖三邊，晚抱孤忠守一廛。出處久推張翰達，

登臨重覺謝安賢。煙霞丘壑龍山屐，風月汀洲鳳浦船。  
東望三神纔尺尺，不妨來往挾飛仙。龍山鳳浦皆濱海地名  
清泉白石兩翛然，仙隱何妨日似年。頗厭文章妨大道，  
却從竒偶玩先天。雲間犬舐燒丹鼎，雨裏龍耕種玉田。  
終歲不聞城府事，閉門閒著養生篇。

寄定海故將軍邵公輔

往事浮雲杳莫攀，壯懷未展鬢先斑。不聞奉使通銀漢，  
空見將軍老玉關。故壘荒涼千騎盡，滄溟浩蕩一鷗閒。  
風塵隨處嚴訶止，愁殺田間夜獵還。

逃禪室與蘇伊舉話舊有感

不學楊雄事草玄且隨蘇晉暫逃禪無錐可卓香巖地  
有柱難擎把國天謾詫丹霞燒木佛誰憐清露泣銅山  
茫茫東海皆魚鼈何處堪容魯仲連

寄餘姚滑伯仁先生

獨木橋邊薜荔門全家移住水雲村猿聲專夜丹山靜  
蜃氣橫秋碧海昏詩卷自書新甲子藥壺別貯小乾坤  
陶漁耕稼遺風在差勝桃源長子孫

寄餘姚宋無逸先生

餘姚有舜江夏山漢  
劉使君樊夫人仙跡

龍泉城外絕囂喧寄傲全勝在漆園獨對江山懷舜禹  
每憑風月問劉樊行窩釀酒花園席野寺題詩竹滿軒

回首崑岡空劫火深期十襲保瓊璫

雨中寄浙河楊彥常先生

山中長夏苦淫雨暫爾出門還不能九天馭日力已竭  
兩地省雲愁倍增憐君畏途久作客咲我淨土常依僧  
相思倚柱發清嘯旁人不解谷空鷹

贈全真李止水

止水故盛順王門人也

玄元孫子玄都客汗漫長遊宇宙間黃鶴白雲迷鄂渚  
青牛紫氣滿函關袖中寶劍雌雄合鼎內金丹大小還  
不見吹笙王子晉秋來幾度候緱山

勞勞

閭闔排雲事已休，勞勞猶耻為身謀。  
數莖白髮未為老，一寸丹心都是愁。  
燕代地高山北峙，荆揚天闊水東流。  
英雄已去空形勝，劍氣中宵射斗牛。

兀兀

數莖白髮鏡中新，兀兀窮年愧此身。  
萬里雲霄雙倦羽，千尋江海一窮鱗。  
望鄉薄暮憑西日，去國中宵禮北辰。  
客路漸遙身漸老，此生何以報君親。

題太守兄遺藁後二首

太守兄死事之明年，于故篋中得其遺詩一卷，  
伏讀之次，不知涕泗之橫流也。敬題二詩于後。

以紀哀思云

海國期年政化成，肩輿隨處看春耕。  
正欣雞犬無驚擾，詎意鯨鯢有鬪爭。  
遙島月明虛燕寢，故山雲冷失佳城。  
夢回佳句難重得，腸斷池塘草又生。

黑風吹海浪如山，獨跨長鯨去不還。  
身世雲煙遊物外，文章奎壁照人間。  
彤庭朝朔雙鳧遠，五馬行春綠野閑。  
老我急難餘淚在，一回撫卷一潺湲。

逃禪室卧病有懷故鄉東諸友生

謀生失計倍淒涼，扶病將歸自激昂。  
那得金丹生羽翼，只將鐵石作肝腸。  
日長獨卧維摩室，歲晚全荒陸氏莊。



幸際諸公各當道應思孤客久迷方

兵後還武昌二首

避亂移家大海隈楚雲湘月首頻回歸期實悞王孫草  
遠信虛憑驛使梅天地無情時屢改江山有待我重來  
白頭哀怨知多少欲賦慚無庾信才

亂定還家兩鬢蒼君物情人事總堪傷西風古塚遊狐兔  
落日荒郊卧虎狼五柳久非陶令宅百花今豈杜陵莊  
舊遊回首都成夢獨數殘更坐夜長

夢得先妣墓

已未夏五月還武昌遷葬兵後陵谷變遷先妣

封樹竟迷所在久尋不得露禱大雪中冬十一月  
廿日夜忽感異夢翌日遂得其處賦詩一首  
以紀歲月云

慈顏幽翳杳難知風雪孤村遍訪之極浦空江泥滑  
荒岡斷壠冢纍纍那知恍惚魂歸夜正是呼號淚盡時  
孝格皇天吾豈敢聊同烏鳥報恩私

過九江追悼李子威太守

瓣香遙拜九江城太守精誠日月明叔姪並歸忠義傳  
江山不盡古今情潮回湓浦聲猶怒雲起爐峯氣未平  
生死總魁天下士丈夫端不負科名

哭陣亡仲兄烈瞻萬戶

獨騎鐵馬突重圍，斬將褰旗疾似飛。  
金虎分符開帳府，玉龍橫劍衛邦畿。  
委身徇國心方盡，裹革還鄉願竟違。  
病卧滄江憐弱弟，省雲徒有淚沾衣。

奉懷先師稼章周孝思先生

先生有道負清時，經濟何由見設施。  
白水青山聊自適，光風霽月復誰知。  
出塵標格三珠樹，瑞世文章五色芝。  
鳴鳥不聞人亦去，生芻一束起遐思。

七言排律五首

告牒還武昌遷葬上明州太守荼子俊

漢江東抱楚山流，先壠猶餘土一杯。  
廟冷桐鄉耆舊逝，田荒粟里子孫愁。  
兵戈隔夢三千里，霜露傷心二十秋。  
荒隧天寒烏鳥下，空林日落白狐遊。  
碑焚斷石經時變，盜出遺金有夜偷。  
過客尚知來下馬，仙翁誰復指眠牛。  
擬從樊口遷京口，遙別沙頭下石頭。  
高士東匆思致奠，故人惠麥久維舟。  
已知多病垂垂老，敢為長貧故故留。  
為政幸逢宗正恕，申情當念子平憂。  
劬勞罔報生何益，存歿沾恩死必酬。  
願及清明三月節，一盂麥飯洒松楸。

告牋還武昌省墓投贈鍾經歷

穎川家世少游車大府從容贊畫餘  
泛水依蓮饒勝賞  
飲水啖蘖富清譽高談賓幕風生席  
退食公庭月照閣  
最愛小胥勤吏牘更逢太守重詩書  
登樓望海吟懷遠  
拄笏看山雅度舒藥籠參苓隨選擇  
花殘桃李藉吹噓  
殊方有客飄零久先壠無人拜掃  
踈化筆久推公道在  
况曾同食武昌魚

守墓陳情上武昌太守傅藻

蕭七五馬駕雙旌太守承

恩下 玉京氣槩浮雲蒸華嶽  
冒襟弱水浸蓬瀛

經東出辭 儲館分竹西來鎮鄂城  
地轉陽春蘇赤子  
天回霖雨濟蒼生掃除積弊文書簡  
慰藉群情賦斂輕  
每以哀矜存愷悌還從擿發見神明  
笑談頓息清河訟  
指顧潛消渤海兵已喜箕裘傳傳說  
行省車馬賜桓榮  
閭閻有學皆興起畎畝無田不播耕  
懸榻每因高士下  
清樽多為上賓傾過山問俗雲生屐  
出郭劬農雨濕纓  
月滿南樓揮塵坐花明北榭引車行  
題詩每擬招崔顥  
作賦何曾厭襍衡感化屢聞虓虎渡  
忘機不使狎鷗驚  
滿門桃李新陰暖遍野桑麻晚色晴  
汗簡定應書善政  
口碑先已播賢聲肯憐倦客垂青盼  
特為明公寫素誠

作縣前人書上考登科後裔則群英亂離一去榮華  
盡契閣重來坎壈嬰豈為尊羹思故里敬將麥飯酒先  
塋陶潛柳盡家何在潘岳花殘邑屢更鶴髮遺民供  
祀事龜趺斷碣載題名獨歸華表叮嚀語誰顧鹽車俛  
仰鳴往事易成蕉鹿夢舊遊難覓黍雞盟復殘濡露  
心逾苦目斷停雲淚更橫已幸玄堂新改厝猶慚丙舍未  
經營名隨版籍遙編越身戀松楸重去荆存歿離魂同  
慘七往還孤影復煢七敢方王粲依劉表竊異興宗  
念子平為政古來先孝悌願伸人子未伸情

過安慶追悼余文貞公

將軍死馬入舒城擊賊頻煩訓義兵孝以保家忠徇國  
聚而出戰散歸耕圍倖月暈全無隙捷振天威大有聲  
游說飛書徒間諜輸誠伏節愈堅貞雲梯屢却妖氛豁  
露布交馳殺氣平千里荆揚憑保障七年淮海賴澄清  
山深猱獠殲還出江濶鯨鯢斬更橫外援內儲俱斷絕  
裹瘡飲血獨支撐天昏苦霧埋營壘日落陰風卷旆旌  
甘與張巡為厲鬼肯同王衍悞蒼生三千將士皆從死  
百二山河亦繼傾靜對風霆思號令遙從箕尾識精神  
頌碑不愧詞臣色哀詔偏傷

聖主情願為執鞭生不遂臨風三酌重沾纓

讀應奉兄登科記愴然傷懷因成八韻

射策彤廷被寵榮遺編三復若為情重傷趙璧經時毀  
翻恨隋珠徹夜明洪範有書傳太乙佳城無郭葬長庚  
青雲路斷甘淪沒碧海塵飛苦變更自信為臣當委質  
誰能向賊更求生家貧寡弱遺妻子道遠存亡隔弟兄  
一旦音容成永訣十年涕淚鎮交橫茫茫原隰無求處  
獨立長風送鴈聲

五言絕句

題天柱山圖

拔翠五雲中擎天不計功誰能凌絕頂者取日升東  
畫蟬

飲露身何潔吟風韻更長斜陽千萬樹無處避螳螂  
畫古木幽篁

碧海珊瑚樹清湘翡翠毛無因將寄遠日暮寸心勞  
畫葡萄萄

江海春雷動群龍悉上天秋來風露冷箇上抱珠眠  
題江亭柳色圖有懷故人劉庸道

昔年釀酒地江漢一茅亭同會人何在東風柳又青  
先兄太守死事之十有七年于故史董文中家見  
所題竹詩因雪涕謹次其韻

玉笋謝朝班西風海國寒無人知苦節落日下長安  
雨過蛟龍起風生翡翠寒但存清節在日日是平安  
右畫竹元德為文中題

七言絕句

敬書

宸翰後

神龍歸卧北溟波愁絕陰山勅勒歌惟有遺珠光奪月  
萬年留得照山河

題弗郎天馬圖

春明立仗氣如山顧盼俄空十二閑一去瑤池消息斷  
西風吹影落人間

題桃源圖

放舟長怪武陵人強覓桃花洞裏春若使仙源通一線

如何避得虎狼秦

暮春二首

楊花榆莢攪晴空上界春歸下界同蜂蝶紛紛竟何在  
獨留杜宇怨殘紅

一夕春歸遍九垓千紅萬紫委塵埃韶光淑氣逡巡退  
暑雨炎風爛熳來

題畫

江樹青紅江草黃好山不斷楚天長雲中樓觀無人住  
只有秋聲送夕陽

題萬歲山翫月圖

金銀樓觀鬱嵯峨琪樹風涼秋漸多徙倚危欄倍惆悵  
月中猶見舊山河

題故人毛楚哲所畫葡萄

西域葡萄事已非故人揮洒出天機碧雲涼冷驪龍睡  
拾得遺珠月下歸

榮枯

春意方酣紅杏蕊秋聲又戰碧梧枝野人不識天官曆  
坐閱榮枯紀歲時



世  
世  
世

世  
世  
世



